

فجائع الأنتينوف



سمعتُ أزيماً في الفضاء
طفقت تنادي علي الصغار
هاهي الطيار...ياها الطياره
تعالوا شوفوها الطيار
طفولة خالصه مبرّئه
ما فاكراه ترمي عليها نار
ما شاهدت يوم في الفيلم
قصف الطياره ولا الشجار
إلا يومذاك شاهدت
وذاقت لفح النار جهار

شافت أبوها وأمها
أشلاء صرعي بالديار
مسكينه قايلاهم نيام
أخذت تصحيهم مرار
ساعات تمر والناس نيام
عادت وصرخت بإختيار
مالو الخلق نومهم طويل
وشنو الحصل بعد الطيار

يا أمي أصحّي بسرعه قوم
هيا نمشي الواتا حار
لبسك ملطخه بالدماء
فستان وتوبك والخمار
وأبويا ليه شكلك كده
والدم حواليك كالبحار !!؟

غابت شمسها وأظلمت

الموت اخذ كل الكبار

والجوع بيداعب في الحشا

والخوفُ معاه الإنكسار

جادت بي تَلَّه علي التُّكُل

البُرْمه (والزير في انهبيار)

نزفت دماءها علي الفؤاد

ودموعها ظلت في انهبمار

شوفوا الفرق ما بين مرام

الديمه بهجه وانهبهار

كتلوها ناس من غير عقول

خالنها لحقت قطار

لو كانوا بكامل وعيهم

ما كان أذاقوها المرار

لكن مرام دارفور تموت
مغتصبه مرميه بعيار
من غير ذنب عاشت نزوح
عانت مشرده في الديار
مقتوله بي عقل كبير
عمداً ميتمه بالقرار
وروني جرمها كان شنو
لمن تطارد بالطيار
مرامنا راكبه علي الحمار
ومرامهم في (الجي إكس آر)
وينا العدالة ورحمتها
الناس قلوبها بقت حجار
